



## Publicaziuns dalla vischnaunca, jamna 09

### Damondas da baghegiar

#### 2020-1006.000

**Datum dalla publicaziun: 28 da fevrer**

La patruna: Vischnaunca Disentis/Mustér, Via Cons 2, 7180 Disentis/Mustér

Il representant: IPZ Ingenieure + Planer AG, Via Lucmagn 7, 7180 Disentis/Mustér

Object: Construcziun nova d'in passapei per liung dalla Via Clavaniev, parcella 587, Funs-Funs Dado, 7180 Disentis/Mustér

#### 2020-1007.000

**Datum dalla publicaziun: 28 da fevrer**

La patruna: Vischnaunca Disentis/Mustér, Via Cons 2, 7180 Disentis/Mustér  
Vischnaunca Tujetsch, Via Alpsu 62, 7188 Sedrun

Il representant: Uffeci da baghegiar ed infrastruttura Disentis/Mustér, Ervin Maissen, Via Cons 2, 7180 Disentis/Mustér

Object: Senda nova Cuolm da Vi–Stgeinas, Val Segnas, parcella 2541, 7180 Disentis/Mustér

#### Protestas:

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damondas da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e sutscretta dil recurrent ni da siu representant.

Disentis/Mustér, ils 28 da fevrer 2020

*Uffeci da baghegiar Disentis/Mustér*

---

### Lubientschas da baghegiar

L'istanza da baghegiar ha concediu suandontas lubientschas da baghegiar:

#### Nr. 2019-1041.000

Immo Invest Partner AG, Schaffhauserstrasse 131, 8152 Glattbrugg; spazzar il baghetg sin parcella 1346, construcziun d'in hotel niev, tschun casas da habitar e treis garaschas sutterranas sin las parcelas nr. 1339/1342/1346, Acla da Fontauna, 7180 Disentis/Mustér.

#### Nr. 2019-1043.000

Interessenza clutger da zenns, c/o Christoph Berger, Via da Scola 12, 7180 Disentis/Mustér; dislocar il clutger da zenns (carillon), parcella 962, Via Cons 11, 7180 Disentis/Mustér.

Disentis/Mustér, ils 28 da fevrer 2020

*Uffeci da baghegiar Disentis/Mustér*

---

### Cussegl da vischnaunca

Il cussegl da vischnaunca seraduna **venderdis, ils 28 da fevrer 2020**, allas 20.15 en casa communal.

#### Tractandas:

1. Protocol 24-2017/2020
2. Elecziun d'in suppleant ni d'ina suppleanta da dumbravuschs
3. Canalisaziun Acletta vitg: Sanaziun dalla canalisaziun existenta auas piarsas ed aua tschuffa –Project e credit (messadi nr. 40-2017/2020)
4. Lescha davart igl uorden ed il ruaus public (messadi nr. 41-2017/2020)
5. Ura da damondas (conform ad art. 44 dil regulativ da fatschentas)



*Il president dil cussegl da vischnaunca*

---

## **Tour de Suisse**

### **Occurrenza d'informaziun**

La Tour de Suisse vegn a Mustér Sedrun. **Ils 12 e 13 da zercladur 2020** vegn la quart-gronda cuorsa da velos dil mund en nossa regiun, e quei cun in final d'etappa ed ina spectaculara cuorsa encunter l'ura. A caschun dalla sera d'informaziun da **venderdis, ils 28 da fevrer 2020**, allas 20.00 presentan ils responsabels il program, l'organisaziun dalla circulaziun dil traffic sco era las bloccadas necessarias en connex cun la Tour de Suisse. L'occurrenza d'informaziun ha liug ella halla polivalenta Dulezi a Sedrun. Alla fin envidan ils responsabels ad in aperitiv.

*Direcziun dil project e communicaziun  
dil liug d'etappa Tour de Suisse Mustér Sedrun*

---

## **Apparat d'udida**

**Gliendisdis, ils 9 da mars 2020** saveis Vus schar schubergiar e rugalar Vies aparat d'udida:

09.15–10.30 en Casa sogn Martin a Trun

11.00–11.45 en Casa sogn Giusep a Cumpadials

13.15–14.30 el Puntreis, Center da sanadad a Mustér

Dunna Giger dalla firma Amplifon e signur Gfeller dalla firma Jäggi sorprendan comunablamein quei survetsch gratuit per tuts interessents. Ei drova negina annunzia.

---

## **Uniun da gimnastica UGM**

Invitaziun alla radunonza generala, **venderdis, ils 6 da mars 2020** allas 19.30 el hotel «Alpsu». Suentar la radunonza vegn offeriu l'usitada tscheina.

*La suprastonza*

---